



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : CNEC CHRISTIAN COLLEGE

學校名稱 : 中華傳道會安柱中學

Name of Play 劇名 : 兄弟

Script writer 劇作者 : 王冠仁同學

Synopsis 故事大綱 :

在余華的小說《兄弟》裡，
李光頭和宋鋼這對兄弟，
雖沒有血緣關係，
但在苦難的歲月裡相依為命，感情至深。
一個個溫馨而又催淚的細小事情，讓人既羨且慕。
這對兄弟，雖非親生，勝似親生。

在現代版的《兄弟》裡，
親生兄弟卻剛好相反。
雖是親生，卻如陌路。
一件突發事件，又能否令關係破冰？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(燈亮)

兄： 咪講好咗私了咯，做咩同呀爸講啊？

弟： 我等咗你兩個禮拜了，我都要用電話架。

爸爸： 你係咪冇腦架？揸住部電話都可以跌落廁所。

兄： 廢柴，淨係識報串。

爸爸： 你講邊個廢柴呀，唔好好讀書，成日淨係識搞搞陣，我未講完，你去邊呀，
喂.....

(燈暗)

第二場

(燈亮)

孀孀： 有冇人呀，我唔想睇到啲唔等洗嘅野呀。哇，個廁所岩岩洗完又咁臭嘅？

(去儲物室拿出拖把清潔)

(同學 A 及 B 入場，A 四周圍看)

同學 B： 姨姨，廁所有冇人呀？

孀孀： 我係咪人呀？

同學 A： 嘻嘻，即係冇人啦！

孀孀： 你地系度就岩啦，几時擺走個噏呀？(對著 A) 你呀，女仔黎架，成日入黎
男廁貪佢香咩？(對 B) 你呀，因住比人睇蝕曬呀！

同學 B： 我用廁格唔用尿兜架。

孀孀： 總之你地快啲走啦。

同學 A： 係啦係啦，拜拜。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

同學 B： 仲唔播黎聽下？

(A 播放錄音)

同學 B： 拾遺不報都要坐八個月監？會唔會太多啊。

同學 A： 唔得啦，我地都係快啲還翻啲錢啦。

同學 B： 唔會有事架。

同學 A： 我地係巴士度執到袋錢，巴士有 CCTV 架。

同學 B： 巴士邊度有 CCTV 呀。

同學 A： 咁巴士呀叔啲片邊度黎架？

同學 B： 個啲叫偷拍咯唔該。

同學 A： 你唸下，無端端點會有咁大袋錢？...係道具？

同學 B： 無聊。

同學 A： 正常人點會擺咁大袋錢出街啊？個啲錢可能唔見得光，贖金？

同學 B： 痴線。

同學 A： 黑錢？黑社會？我地唔可以同黑社會鬥架。

同學 B： 低能仔。

同學 A： 我地鬥唔贏架。

同學 B： 咪住，我地頭先又真係擺住袋錢落車，學校又有 CCTV。

同學 A： 我地快啲還翻啲錢啦。

同學 B： 點還呀，追返架車呀？我地都有抄底車牌。

同學 A： 還去警局咯。

同學 B： (不捨) 好啦咁，唉，我咁大個人都未見過咁多錢架，你企係度做咩呀，仲唔快啲過黎同啲錢講拜拜？

同學 B： 唉，我個 Prada 手袋呀。

同學 A： 我部 Iphone 呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

同學 B： 咪住，如果個天想我地發橫財，我地咁做，咪會遭天譴？

同學 A： 下？咁大鑊？

（B 去擺噏）

同學 A： 做咩呀？我地依家要走佬？

同學 B： 擺啲嘢人去啦。

同學 A： 做咩呀！

同學 B： 你想要咩密碼？759？

同學 A： 阿信屋？

同學 B： 好呀，阿信屋，759 就係密碼。

（A 望著 B 發呆）

同學 B： 我真係生得太聰明啦，（一路襟手機一路講）只要有人幫我地 keep 住啲錢，過左一段時間冇人搵上門，我地就有事啦。

同學 A： 即係我地穩人 keep 住袋錢，冇事就佢咩，冇事嘅，袋錢就係我地嘅。

同學 B： 5，4，3，2，1。

兄： 有咩要我幫手架？

同學 B： 我地有噏野想放係你屋企。

兄： 入面咩黎架？

同學 B： 入面係高防潮物，我地呀媽知我地搵外快，放係我地屋企有啲危險。

兄： 咩嘢價錢先？

同學 B： 一日 30。

兄： （把噏推回）

同學 B： 50。

兄： 成交。

同學 A： 咁冒險，佢會唔會落格架？